



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 3. Contubernium puerorum instituitur, qui Virgini laudes canant.

[urn:nbn:de:hbz:466:1-64112](#)

Contubernium puerorum instituitur, qui Lauretanæ Virgini laudes canant.

Cap. III.

Nec fortunis tantum Lauretana Aedes, sed etiam ministris per id tempus aucta. Pontifex satis gnarus integræ pueritiae preces Deo Deiparæque acceptissimas esse, Collegium duodecim alumnorum instituit. Ibi letissimos ex omni Piceno pueros ingenuos impuberes institui iussit, ad laudes B. Virginis decantandas. In his porro legendis, corporum animorumque integritatem spectari, in instituendis optimorum magistrorum rationem haberi voluit. Præcipua erat cura, ut non minus castitate morum, quam suavitate vocum sanctissimam Virginem delinirent. Ergo hi ex præscripto Pontificis in opportuno loco (Canonicam vocabant) intentiore cura educati, institutique B. Mariæ carmina in eius facello, statis quotidie canebant horis, pacem ac veniam à Deo Deiparaque orantes, & opem Italiam contra Turcarum rabiem exposcentes. Nec puerilis pietas Pontificis spem, nec B. Virgo pueriles preces fefellit. Et si enim fœderatorum Principum classem Ducum discordia inutilem fecit; tamen Deipara Virgo & otium Italiam peperit, & Turcarum audaciam fregit. Quippe haud ita multo post compositis inter Cæsarem, Galliæque regem controuersijs, ex tristi bello lata repente Italiam pax redditâ. Maxima instructissimaque Turcarum classis Ariadeni Aenobarbi ductu extitum Italiam ferens, ipso mense Augusto Acroceraunijs illis scopolis in conspectu propemodum Aedis Lauretanæ fecit naufragium. Quo naufragio satis constat maximam classis partem amissam: viginti barbarorum millia hausta fluctibus: totumque ferme Adriaticum sinum hostium cadaueribus, armis, tabulis, armamentis alijsque naufragij

*Paul. Ios.
lib. 41.*

*Ann. Laur.
Rietz.*

gii indicij stratum. Quorum arma ad Lauretum fluitantia cognita in littore, prius fere quam nunciari posset, insignem fecerunt hostium cladem. Ibi enim vero exsultare Lauretani, aduenæque: auditas profecto à Deo Deique parente preces puerorum piorumque. aperuisse aliquando oculos vtorem Turcicæ superbiæ Deum: alius alium hortatione firmare, talem ut Præsidem præcipuo colerent honore, cuius præsidio totam illam Italiam cernerent præsenti Turcarum formidine liberatam.

*Nosocomium, & Xenodochium excipiendis peregrinis
aperiuntur. sacra Aedes ædificijs ornatur.*

Cap. IV.

AT Pontifex tali nuncio admodum lætus, ne benignior in indigenas, quam in peregrinos foret; Nosocomium Laureti eadem fere tempestate absolutum aperuit, ægris aduenis præcipue curandis. Alius porro locus scabiosis, leprosisque extra moenia, ne quid cæteros eorum contagio læderet, assignatus. Ab ægris inde ad sanos cura conuersa, Xenodochium pauperibus peregrinis excipiendis institutum, vbi benigne alebantur per triduum: & discedentes pane, vino, calceis, pecunia iuuabantur. Hæc hospitalitatis, & Christianæ charitatis fama, mirum quantum vel aduenis religionis, vel Lauretano templo opum adiecerit; cunctis ferme exteris gentibus expertam in suis peregrinis Lauretanam benignitatem remunerantibus. Adeo vera in pauperes liberalitas auget magis opes, quam minuit. Deus quippe benignitatis fontem, ne exhauriatur, bonis identidem auget; ac benignis largitoribus benigne suppeditat, quod deinceps egentibus largiantur. Nec vero dum exardescunt hæc Christianæ caritatis officia, Lauretana opera à Clemente inchoata interim refrixere. Nihilo minus Pauli iussu syluae noxiæ

*Nosocomiū
& Xenodoc.*

*Hospitalitas
Lauretana.*